

Th. syst. 4^o 12

Th. 4^o

620


N. 280.
bibl. schol. Luc.



Ein Cristliche verteutschte schrifft

Her Johan̄ Bugenhagen Pom̄ern
An die Christen yn Engellandt/
von der Christlichen Schül
zū Wittemberg Lere.

M.D.XXV.



Ein Altarbild

von demselben

demselben

demselben

demselben

demselben

M.D.C.C.





Mad vnd Fryd mit

Euch von Gott vnserm Vatter vnd vnserm **HELV** Jesu Christo. Wyr haben vns nicht mügen enthalten zuerfrewen/ als wyr gehört haben/ das auch yn Engelland das Euangelion des preyses Gottes bey etlichen angenommen sey. Tu ist vns auch das dar bey angezeigt wie das vil schwache dem Euangelion noch zur zeit vn geneigt sind/ weiß nicht vmb was gerüchts willen/ welchs von denen/ bey euch von vns außbreyt werd die dem Euangelion vnd wort Gottes wider vñ entgegen sind.

Das ist auch eben vnser rühm/ das man vns also mitferet. So gar hab ich mir nicht furgenomen die lügen/ so wider die bekennen Gottes worts vnd Euangelions getriben werden zuuerlegē. Dan in wem solt man sonst die seligkheyt sehen / dauon Christus selbs redet: Selig Math. 5. seyt yhr/ wenn euch die menschen schmehen vnd verfolgen/ vnd reden allerley arges wider euch/ so sie daran liegen/ vmb meiner willen. Habt freud vnd winne.

Doch wollen wyr damit nicht verantworten/ schützen noch vertreten/ so etliche im scheyn vnd namen Christlicher freyheit/ etwas vnchristlichs vben. Dann die sind nicht alle Christen/ haben auch nicht alle Christen angezogen/ die sich des namens Christi vnser liebē **HELV** vnd heylandts anmassen.

Das aber nymbt vns wunder / warüb etlich sey euch yn Engellandt das Euangelion anzünemen schew haben aus dem/ das man vbel von vns redeth. Vnd wissen nicht das der Son des menschen muß von der welt verworffen / vnd die predig vom Creutz fur ein torheit gehalten werden. Wie wenn das auch wahr were/ das sie 1. Corint. 2. vns vmb Christus willen anlügen: Ey wolten sie dar

1. Thess. vi.

umb das Euangelion von der selickeyt / so es yhnen von
Gott angeboten wirt annemen: Was wer doch nerris
scher / denn das du dich mehr mit meiner bosheit / denn
mit deiner selickheit bekümerst: Woltestu darumb nicht
ein Christen sein / das ich ein sunder bin: Warumb sol
gen sie nicht S. Pauls regel: Brüset alles / vnd das gut
Behaltet. Dann wenn ich wolt anheben der menschē ge
rechtickheit / oder vngerechtigckheit anzusehen / Lieber wenn
wolt ich des yrrthumbs loß werden / daran schier die
gantz welt verdorben vnd verlorn ist / vnd wenn wolt ich
entlich erkennē die gerechtickheit / die allein vor got gilt:

Da sprechen den die gemeynen vñ vnuerstendigen leut /
Wer kan so mancherley fassen: Dañ man handelt von
freyen willen / von gelübden vnd Clöster / secten vñ Or
den / Von genugthüung / Vom mißbrauch des heyligen
warleychnams / von der Ehrerbietung der verstorbenen
heyligen ic. Die andern sprechen also / Wir fürchtē es
stecke vnter diser manchfeltickheit giff.

Eben als redeten wir mit Worten von der weißheyt
diser welt / vnd nicht mit ganz offentlicher schrift han
delten / welche auch der Hellen pforten bissher nicht ha
ben beweldigen mügen: O der eben als brechten unsere
feynde / vnd widerwertige wider vns anders auff / denn
menschliche statuten vñnd aufsez. Welche Gott selbs
verdämēt Esaie am. xxix. vnd Christus Mathei am. xv.

Esaie. 29.
Matth. 15.
Marci. 7.

Darumb für waser giff wiltu dich hie fürchten / weyl
wir nichts heymlich vnd verborgen handeln / vñnd das
vnsers alles der gantzen welt zu vrteylen fürlegen:

Vñ damit du nicht die manchfeldickheit der Lere für
wendest / sage ich kürzlich also / das wir nicht mehr den
disen eynigen artickel leren / Ob wir wol teglich vil pres
digen / vil schreyben / vil thun vnd treiben wider unsere
widerwertigen / auff das sie auch selig werden.

Tu ist eben das der Artickel / Christus ist vnser geres

8
chtigkeit. Dañ Christus ist vns gemacht von Gott zur
weißheit vnd zur gerechtigkeit/zur genugthung vñ er
lösung. Vnd alle die vns das nicht nachgeben/die sind ^{1. Corint. 1.}
nicht Christen/Alle die aber / die das mit sampt vns be-
kennen werden / bey den selben wirt bald fallen alle an-
dere menschliche gerechtigkeit. Darüb wirt der Pelagian-
ner Ketzerey alhie nichts sein / mit welcher Ketzerey eben
die/wiewol mit verwandelten worten vergifft sind die
sich allein für Christen rühmē. Do wirt auch nichts gel-
ten alles vertrauen auf die secten so yzo sind/vnd auff
die wercke. Welchs vertrauen auf die Secten/Orden/
stende vñ wercke vnser werckheiligē/mit verleugung
des ergermus dess Creutz Christi eingefürt habē/An dem
das sie vns für Christum die wercke aufgemugt haben.

Wider welche vnd das ganz Reich des Teufels/wir
diz allerfestest argument mit S:Paul fürē. So wir aus ^{Galat. 2.}
den wercken vnd vnserm freyen willen rechtfertig wer-
den/So ist Christus vergeblich vnd vmb sonst gestorbē.

Vn dise gerechtigkeit die Christ⁹ selbs ist/hat gezeug-
nus im gesetz vñ prophetē/Wie zum Römern am drittē. ^{Roma. 3.}
Die aber nach yhrer eygen gerechtigkeit gestanden sind/
als die Juden/die künen zu der rechtē gerechtigkeit ni-
cht/Wie zum Römern am. ix. steet. Dañ sie künen der ^{Roma. 9.}
gerechtigkeit die vor Got gilt nicht vnterworffen sein.

Vn wirt Gottes gerechtigkeit dein eygen. Wenn du
Christum durch den glauben annymbst/Dañ Christus ist
nicht für sich selbs /oder für seine sunde sonder für dich
vnd deine sunde gestorben.

Derhalben alles das domit du dich in ander weg vn-
tersteest/rechtfertig/frum/vnd frey zusein von dem ges-
richt Gottes/von sunden/vom todt/vñ von der Helle/
wirt alles eytel heuchlerey/lügen vñ gotloß wesen sein/
mit wie grosser gestalt d heiligkeit es ymer gleyffe. Dañ
es wirt streyten wider die gnad Gottes/vñ sein ein ver-
leugung Christi.

Vu möchtestu velleicht fragen/was wir von den sitz
von Gottes dienst/von den Sacramenten vnd der gleis
chen halten vnd leren. Antwort/Christus der vnser ge
rechtikeit ist worden/derselb ist auch vnser Lermeyster
worden. Dañ alles was Christus vns mit seinē müdt ges
ben hat/dasselbig leren wir auch das mans halten soll/

Math. vlt.
Johan: 6

Wie den Christ^o selbs geboten hat Math. am letzten.

Vu hat Christus geleret das das Gottes werck sey
das wir an den glaubē den vns der Vatter gesant habe/

psalmo. 1.

Wer aber an den selbē glaubt/der ist der gut baum/Vñ
kann nicht lassen/er wirt zu seiner zeit gute frucht tra
gen/Nicht die so die heuchlerey vñ/gleißnerey erticht
vñ furgibt. Sonder die der geist Christi in dē selben men
schen vñ im selbs erzeüget / Dañ die durch dē geist Chri
sti getriben werden die sind Kinder Gottes.

Roma. 8.

Darumb wirt er nüchtern gotseliglich vñ recht lebē/
wirt Got im geist vñ der warheit/vñ nit in sagung der
welt/yn speyß vñ kleydung/oder anderer heuchlerey an
beten. Wirt von den Sacramenten das halten/wie es
Christus selbs geleret vnd außgesetzt hat/ Wirt seinem
nechsten dienen mit lere / mit rath/mit gebet / mit dem
güt/Na auch mit nachteyl des lebens/vnnd nicht alleyn
dem freünd/sonder auch dem feyndt.

Das hat Christus selbs gelernet / darzü treybt die nat
tur des heyligen geists die hertzen der glaubigen/Vnnd
wir leren das man das alles thun soll/vñ weil wir noch
ym fleisch sind/alles das dauon nicht beschiedt/oder nit
cht genügsam geschiedt/vñ was wir auch noch fur sun
de thun/das lernen wir/wie auch Christus selbs geleret
hat / das man stetigs vmb vergebung der sunde bitten
soll/Wie vns auch Christus zübeten gebotten hat/Ver
gib vns vnser schuld / wie auch wir vnsern schuldigern
vergeben. Vnd vmb des glaubens vnd vertrauens wil
len zü Got/werd vns die sunde so noch vberig ist yn vns

Math. 7.
Luce 11

serem fleisch nicht zugemessen / Dan ich finde in mir / das ist in meinem fleisch. nichts gnts. Roma. 7.

Aber Gott sey danck. das Christus ist nicht kumen vñ wegen der gerechtē Math. 9. sonder vñ wegen d̄ sund vñ die zolner vnd hūren werden ehe yns hymelreich kumen den die werckheiligen vnd phariseer. Matthe. 21.

Was will nu das böß maul hie wider gellen / das wir nicht anders / den wie gesagt lerē. Gott sagt selbs durch den Mosen / Deutro. 18. Wer disen propheten / das ist Christū / nicht wirt hören / an dem will ichs suchen. Das ist an dem selben will ichs rechē / Das vrteyl Gottes hören wider sich die feynde des Euangeliōs. So rufft Got der Vatter Math. 17. selbs vber Christum / disem gehorcht. Vnd Christ⁹ spricht Johan. 10. Meine schaff hören mein stym / werden der frembden stym nicht hören.

¶ Ditz liebe Brūdere hab ich euch mit kurzen worten geschriben / euch damit mein freud von euch anzūzeygen / Auch darneben verantwortung zū thun / der hoffnung die yn vns ist / wider die so all vnser thun / lere vñ wesen bey den vnwissenden mit vnuerschempten lügen verkeeren / vnd zum ergisten deuten. Ihr aber bittet Got fur vns / vnd fur alle Christen vnd heyligen / vnd vnser wu derwertigen / Auff das Gottes wort zū neme / vñnd der welt gepredigt werd / Gott zū eren / vñnd den menschen zur selickeit / durch Ihesum Christum vnsern HEREN / Dem preys vnd herschung sey in ewickeit. A M E N.

FINIS

Faint, illegible text, likely bleed-through from the reverse side of the page.

SO FINIS



75 A 6539

ULB Halle

3


004 382 706



4







Cristliche
tschte schrift
 an Bugenhagen Pomern
 Christen yn Engellandt/
 der Christlichen Schül
 in Wittemberg Lere.

D. XXV.

